

Bilten

br. 5

Septembar 2014.

Informativno glasilo Islamske zajednice Bošnjaka u Švedskoj

Zu-l-ka'de / Zu-l-hidždže 1435.

M MOJ IDENTITET MEKTEB



Islamska zajednica Bošnjaka u
Švedskoj

Adresa: Slättervägen 44, 461 61 Trollhättan;
Tel. 076 310 24 47 / 0520-499064

www.izb.se

Potražite nas i na facebook-u
Islamska zajednica Bošnjaka u
Švedskoj



SADRŽAJ

- Impresum
- Uvodnik za 5. broj

Aktivnosti IZBUŠ-a

- Održana sjednica Izvršnog odbora IZB u Švedskoj
- Održana sjednica Upravnog odbora Udruženja ilmije
- Broj potpisanih pristupnica
- Održana sjednica Savjeta glavnog imama

Džematske aktivnosti

- Džemat Štokholm: Potpisan ugovor o kupovini objekta
- Ikrar dova u džematu Helsingborg
- Rijaset: Potpisan Protokol o saradnji na sanaciji šteta
- Najava aktivnosti u IZB u Švedskoj
- Bajramska čestitka

POZIV NA SARADNJU

Oglasite se i Vi u Biltenu IZB u Švedskoj!

Javite nam se sa vašim tekstom,
prijedlogom, primjedbom i sugestijom.

e-mail: bilten@izb.se

www.izb.se



BILTEN

Informativno glasilo

Islamske zajednice Bošnjaka u
Švedskoj

GLAVNI UREDNIK

Idriz-ef. Karaman
glavni imam

IZVRŠNI UREDNIK

Almedin-ef. Spahić

REDAKCIJA:

Savjet glavnog imama:
Nezir-ef. Špiodić
Smajo-ef. Šahat
Elvedin-ef. Bešlija

SARADNICI U OVOM BROJU:

Jasmin Dervišević, sekretar

UVODNIK ZA 5. BROJ BILTENA IZB U ŠVEDSKOJ



Nakon šoka kojeg su nam priredile proljetne i ljetne poplave ovih dana smo preplavljeni predizbornom kampanjom, prvo ovom u Švedskoj, pa onda i u našoj Domovini. Još jednom našu pažnju odvlače razna obećanja, svađe i prepucavanja.

Islamskoj zajednici neki ponovo pokušavaju podvaliti miješanje u politiku, odnosno, preferiranje određenih stranaka i pojedinaca. Vrh naše Zajednice, međutim, prilično uspješno odolijeva ovim podvalama, ostajući dosljedan u stavu da Islamska zajednica neće protežirati nijednu stranku, niti pojedinca. Svaki birač treba sam po svom ubjeđenju odlučiti za koga će da glasa.

Bitno je izaći na izbore, posebno u Republici Srpskoj, a pošto je većina naših članova iz upravo ovog entiteta, ovu priliku koristimo da još jednom apeliramo da svi glasamo.

A što se tiče obećanja i svega onog što prati kampanju u BiH, mi bismo sugerirali da se mi okrenemo vlastitim obavezama. Svako svojim, na osnovu Poslanikove, a.s., opomene o vlastitim zaduženjima i odgovornosti.

13. septembra krenuo je mekteb. Prilika je to da još jednom ukažemo da je to najvažniji segment našeg djelovanja. Muallimi treba da daju sve od sebe da se što bolje pripreme za nastavu, a džematski odbori i roditelji da im obezbijede najbolje moguće uvjete za rad.

A kad govorimo o uvjetima za rad, što je veći broj članova Islamske zajednice, to će uvjeti za rad biti bolji. Stoga, koristimo ovu priliku da preporučimo da se ovih mjesec dana, koliko nam je ostalo do privođenja kraju ovogodišnje akcije prikupljanja pristupnica za poresku članarinu, iskoristi na najbolji mogući način, kako bi što veći broj naših ljudi ispunio pristupnice.

Treba naglasiti da je potpisivanje pristupnica za BEMUF, također, veoma značajno, te i u organizaciji ovog posla trebamo svi učestvovati, posebno imami i, naravno, sama omladina.

I da se na kraju još jednom vratimo poplavama u našoj Domovini.

Nažalost, kao i većinu drugih stvari i to brzo zaboravljamo. A ne bi smjeli, jer, iako smo prikupili i poslali, zaista, imponantna novčana i druga sredstva, još je uvijek veliki broj naše braće i sestara bez krova nad glavom, a zima je pred vratima.

Zbog toga, izražavajući zahvalnost na dosadašnjem angažmanu, još jednom, pozivamo naše džemate da se odazovu apelu Izvršnog odbor IZBUŠ i postave po jednu sergiju mjesečno do kraja ove godine, kako bi se prikupila što veća sredstva i makar donekle ublažile teškoće stradalih u polavama.

Koristimo priliku da vam čestitamo nastupajući Kurban-bajram, uz dovu Allahu, dž.š., da nam podari svaki hajr.

BAJRAM ŠERIF MUBAREK OLSUN!

Idriz-ef. Karaman

Održana sjednica Izvršnog odbora IZB u Švedskoj

U subotu, 30. avgusta 2014. godine, u Trollhättanu je održana sjednica Izvršnog odbora Islamske zajednice Bošnjaka u Švedskoj. Na sjednici su podnešeni izvještaji o aktivnostima u proteklom periodu, te diskutirano o aktivnostima u narednom periodu.

Odmah na početku, izraženo je žaljenje što se u proteklom periodu odbor nije češće sasatajao. Istina, razlog tome je korištenje godišnjih odmora, te mjesec ramazan. Međutim, to ne može biti opravdanje, pa se ubuduće održavanje sjednica mora bolje planirati, vodeći računa o čuvanju integriteta, kako članova Izvršnog odbora, tako i Izvršnog odbora u cjelini.

Najviše vremena diskutiralo se o prikupljanju pomoći za nastradale u poplavama u Bosni i Hercegovini. Izvršni odbor je izrazio zadovoljstvo angažmanom džemata i pojedinaca u ovoj akciji, u kojoj je samo u novcu prikupljeno preko 100 000 eura. U znak zahvalnosti i podrške, Izvršni odbor će uputiti dopis svim džematima.

Kako su, međutim, razmjere šteta prouzrokovanih poplavama ogromne, Izvršni odbor je donio odluku da se sa prikupljanjem pomoći nastavi. Idalje će se prikupljati samo novac, jer je slanje druge vrste pomoći preskupo. Od Rijaseta Islamske zajednice u BiH očekuje se povratna informacija o utrošku prikupljene pomoći, te instrukcija šta dalje treba raditi.

Nažalost, nekoliko džemata uopće nije učestvovalo u ovoj akciji, kao, uostalom, ni u drugim zajedničkim akcijama, te se i na to treba ukazati u obraćanju džematima.

U nastavku sjednice Izvršni odbor je razmatrao i podržao dokument Izvršnog odbora naše omladinske organizacije „Strategija za podizanje organizacionog nivoa lokalnih organizacija BEMUF-a“.



Osim toga, diskutirano je o budućoj saradnji sa trezvenjačkom organizacijom (NBV), Zavodom za dodjelu državne pomoći (SST), te Merhametom Švedske.

Spomenuti su i neki problemi sa kojima se susreću naši džemati. U tom smislu, potrebno je da predstavnici Izvršnog odbora IZBUŠ odu na teren i pomognu u prevazilaženju tih problema.

Na kraju je Izvršni odbor podržao inicijativu da se 1. novembra ove godine organizira seminar za žene, na koji bi se pozvale predstavnice svih džemata koje su aktivne u organizaciji aktivnosti u svojim džematima.

Naredna sjednica zakazana je za 11. oktobra 2014.

I.K.

Sjednica Upravnog odbora Udruženja ilmiije IZB u Švedskoj održana u Halmstadu



Dana 15.09.2014.god. u gradu Halmstadu održana je druga sjednica Upravnog odbora Udruženja ilmiije, kojom je presjedavao Nezir-ef. Špodić, predsjednik Udruženja.

Na sjednici je usvojen izvještaj o realiziranim aktivnostima između dvije sjednice. Diskutovalo se o organizovanju ekskurzije u oktobru 2014.god. za imame IZB u Švedskoj u jedan od džemata u Njemačkoj.

Usvojen je način i dogovorena procedura izmjena i dopuna Pravilnika o radu imama, koja će biti sprovedena i ako Bog da usvojena na narednoj skupštini Udruženja ilmiije IZB u Švedskoj.

A.S.

Broj potpisanih pristupnica u džematima IZB u Švedskoj

	31/10-2013	30/09-2014
Malmö	1141	1255
Stockholm	881	967
Borås	642	657
Skövde	441	461
Gislaved	375	398
Helsingborg	319	361
Göteborg	255	414
Norrköping	217	343
Landskrona	216	319
Trollhättan	226	255
Linköping	190	220
Växjö	163	221
Halmstad	144	159
Örebro	106	98
Trelleborg	81	119
Motala	55	126
Jönköping	53	114
Surte	25	46
Västerås	2	20
Värnamo	4	6
Vetlanda	1	11

Slušajte i preko interneta!
www.bir.ba



biram prijatelja,
biram BIR!

U HALMSTADU ODRŽANA SJEDNICA SAVJETA GLAVNOG IMAMA IZBUŠ

U ponedjeljak, 15. septembra 2014. godine, u Halmstadu je održana sjednica Savjeta glavnog imama Islamske zajednice Bošnjaka u Švedskoj. Na sjednici su analizirane aktivnosti u proteklom periodu, te utvrđen plan rada do kraja godine.

U analizi je najviše vremena posvećeno vjerskoj pouci. Istaknuto je da je ovogodišnji rezultat bolji od prošlogodišnjeg u čak osam naših džemata. Više je, međutim, džemata u kojima je rezultat lošiji, te se ovom pitanju mora još ozbiljnije pristupiti. U tom smislu, donesena je odluka da se naredni seminar za imame (24. i 25. novembra) u cijelosti posveti mektebskoj nastavi. Osim toga, glavni imam će u narednom periodu posjetiti što više punktova vjerske pouke, posebno one u kojima je značajno pao broj upisanih polaznika. Imami se obavezuju da glavnom imamu što prije dostave raspored rada mektebske nastave, te da raspored istaknu na vidno mjesto u prostorijama džemata.

Pored vjerske pouke, analizirani su rezultati akcije prikupljanja zekata i sadekatu-l-fitra, te druge ramazanske aktivnosti. Iako je veliki broj naših ljudi ramazan proveo izvan svojih džemata, rezultati su zadovoljavajući, posebno u prikupljanju zekata.

U narednom periodu u tri naša džemata održavaju se velike manifestacije. Prvi dan Bajrama u Jönköpingu će se održati bajramska akademija, 18. oktobra u Malmeu, a 25. oktobra u Boråsu obilježava se 20 godina postojanja ovih džemata. Na ove manifestacije pozvani su svi džemati, te je Savjet glavnog imama smatrao da ove godine nema potrebe za organiziranjem Centralnog mevluda, nego da se džemati pozovu da prisustvuju spomenutim manifestacijama.

Na kraju sjednice Savjet glavnog imama je podržao dokument „Strategija za podizanje organizacionog nivoa lokalnih organizacija BEMUF-a“.

Naredna sjednica, bit će, ako Bog da, održana u decembru 2014.

I.K.

.....



Džemat Štokholm: Potpisan ugovor o kupovini objekta



Upravni odbor džemata Štokholm, odlukom Skupštine džemata potpisao je ugovor o kupovini objekta za potrebe džemata, na adresi Frodevägen 8, Bromsten-Spånga u Štokholmu.

Ugovor je potpisan 23.9.2014. a objekat je kupljen za 9 miliona i 400 hiljada. U ovom trenutku Zajednica na vakufskom računu ima 5 miliona i 160 hiljada kruna. Dakle, potrebna suma je 4 miliona i 240 hiljada. Obaveza je da se do 2. januara 2015.god. isplati cijela iznos, nakon čega je i useljenje u novu džamiju.

Budite dio vakufa-trajnog dobra i ugradite i Vi sebe u ovaj projekat!

Uplate se mogu izvršiti putem računa na plusgiro 4800492-3 sa naznakom Vakuf ili na blagajni džemata.

Ikrar dova u džematu Helsingborg

Dana 20. septembra 2014. godine (subota) u prostorijama džemata Helsingborg proučena je ikrar dova za dvoje hadžija koje ove godine iz džemata Helsingborg, a u organizaciji Islamske zajednice Bošnjaka u Švedskoj, putuju na hadž.



Ikrar dova budućim hadžijama Ajši Šabanović i Fikreti Jusufović, kojoj je ovo drugo putovanje na hadž, proučena je poslije ikindiye-namaza, a pored par desetina džematlija, dovi su prisustvovala i tri imama. Pored domaćina Nezir-ef. Špiodića, dovi su prisustvovali Idriz-ef. Karaman, glavni imam, te Nesib ef. Makić, imam džemata Landskruna.

Program je bio ispunjen učenjem odlomaka iz Časnog Kur'ana, zajedničkim učenjem tekbira te ilahijom "Kraj Kabe sam ja stajao" koju je proučio Edin

Jahić, nakon čega je glavni imam Idriz ef. Karaman počastio prisutne emotivnim govorom, podijelivši svoja vlastita iskustva i doživljaje putovanja na hadž, susreta sa Kabom, Resulullahovim, alejhi selam, mezarom, Arefatom i ostalim odabranim mjestima.

Između ostalog, ukazao je da hadž predstavlja obavezu svakom muslimanu i muslimanki koji imaju dovoljno sredstava za njegovo obavljanje, te da se ta obaveza ne bi trebala odgađati.

Budućim hadžijama poželio je da se u hajirli zdravlju vrate svojim porodicama te da u dovama ne zaborave svoju braću i sestre koje ove godine neće biti na tom odabranom putovanju. Nakon proučene dove prisutni gosti i džematlije imali su priliku počastiti se hranom i kolačima koje su pripremile vrijedne hadžije i njihove porodice.

Nezir-ef. Špiodić

RIJASET: Potpisan Protokol o saradnji na sanaciji šteta



Sarajevo, 16. septembar 2014. (MINA) – Reisu-l-ulema Husein ef. Kavazović i Federalni ministar raseljenih osoba i izbjeglica Adil Osmanović potpisali su danas Protokol o saradnji na realizaciji programa pružanja podrške za sanaciju šteta prouzrokovanih poplavama i klizištima na području BiH, a u cilju pružanja finansijske pomoći u zbrinjavanju ugroženih porodica te revitalizaciji individualnih, vjerskih i drugih objekata ugroženih područja.

Kao odgovor na nastalu štetu, uzrokovanu poplavama i klizištima, nastalu na individualnim, vjerskim i drugim infrastrukturnim objektima te privrednim i poljoprivrednim dobrima, strane potpisnice će osigurati finansijska sredstva koja će biti distribuirana kroz poseban program finansijske podrške.

Islamska zajednica u BiH i Federalno ministarstvo raseljenih osoba i izbjeglica će zajednički djelovati u cilju unapređenja programa pružanja pomoći za sanaciju šteta.

Prema potpisanom Protokolu organi Islamske zajednice u BiH, muftijstva, medžlisi i druge osobe koje ovlasti Reisu-l-ulema mogu potpisivati posebne ugovore sa Federalnim ministarstvom raseljenih osoba i izbjeglica za konkretne projekte.

Nakon potpisivanja Protokola reisu-l-ulema Husein ef. Kavazović i ministar Adil Osmanović dali su izjave medijima.

- Nas u Islamskoj zajednici raduje što smo danas bili u prilici potpisati Protokol o saradnji s Federalnim ministarstvom raseljenih osoba i izbjeglica, a sve u nadi da se ova pomoć, koja je pristigla do Islamske zajednice, učini što prije dostupnom našem narodu. Smatramo da na ovaj način možemo obezbijediti sigurnije projekte i da zajednički na terenu procijenimo koji su projekti važni da se realiziraju u skorije vrijeme.

Islamska zajednica je već plasirala jedan dio novca preko naših organa, medžli-sa i muftiluka tako da se određeni projekti već realiziraju na području Zeničko-dobojskog i Tuzlanskog kantona. Na području Bosanskog Šamca već se radi jedan dio kuća i saniraju nastale štete.

Želim zahvaliti Ismail ef. Smajloviću koji je na čelu našeg Glavnog operativnog štaba, koji je cijelo vrijeme vodio ove poslove i nadam se da ćemo zajedno s ministarstvom uspjeti što prije plasirati i ostatak novca koji je Islamskoj zajednici na raspolaganju, rekao je reisu-l-ulema Husein ef. Kavazović.

- Drago mi je što je došlo do potpisivanja ovog Protokola o zajedničkom sufinansiranju projekata koji su potrebni da bi se što brže riješile posljedice koje je učinila poplava u BiH.

Zahvaljujem uvaženom Reisu-l-ulemi i njegovim saradnicima koji su prepoznali aktivnosti koje radi Federalno ministarstvo raseljenih osoba i izbjeglica i da se zajedno uključimo u određene projekte, prije svega u rješavanju šteta koje su nanesene stambenim objektima, kao i onim infrastrukturnim, putnim komunikacijama, vjerskim, kulturnim i drugim. Federalno ministarstvo je nakon što su se desile nepogode formiralo Operativni štab i odmah smo pristupili izmjeni i dopuni naše Odluke o trošenju finansijskih sredstava, program prilagodili novonastaloj situaciji, izdvojili oko šest miliona i osamsto hiljada KM za rješavanje ovih problema. Angažirali smo naše inženjere, kao i inženjere drugih kompanija, tako da smo do sada snimili preko hiljadu i dvjesto stambenih jedinica u Zeničko-dobojskom, Unsko-sanskom, Tuzlasnskom kantonu i na prostoru RS. Do sada smo utrošili preko tri miliona i dvjesto hiljada KM za sanaciju manjih oštećenja stambenih jedinica.

Ovo potpisivanje Protokola je za nas jako bitno jer smo snimili veći broj stambenih objekata, a naša finansijska sredstva nisu u tom kapacitetu da to sve pokrijemo. S ovim sredstvima koja ima na raspolaganju Islamska zajednica pokušat ćemo da uđemo zajedno u neke projekte, kako stambene, tako i infrastrukturne, što će olakšati Federalnom ministarstvu da se uključi u neke druge objekte koji su također u prioritetu, rekao je između ostalog ministar Osmanović.)

(rijaset.ba)

Smisao i svrha klanja kurbanda

Riječ "kurban" izvedena je iz glagola riječi "karrebe", što znači "približiti se".

Ovim nazivom Allah dž.š. određuje smisao i cilj klanja kurbanda - približiti se Allahu dž.š., Njegovoj milosti, zadovoljstvu, oprostima i zaštiti.

Allahu dž.š. nije potreban kurban, meso ili krv. On je neovisan od toga. On od nas želi bogobojaznost, pokornost i blizinu. Samo od takvih, bogobojaznih, kurban će biti primljen.

Mudrost izvršavanja ovog propisa jeste u tome da se čovjek nauči žrtvovati na putu svoje vjere, zajednice i domovine, za dobro svih ljudi.

Po mišljenju većine pravnika jedna ovca je dovoljna za kompletnu porodicu.

Na to nam ukazuju mnogi argumenti.

Imam Muslim je u svom Sahihu zabilježio hadis od Aiše r.a. da je Poslanik s.a.v.s. govorio pri klanju kurbanda: "Bismillahi, o Go-spodaru, primi od Muhameda i njegove porodice."

Većina pravnika je smatrala dozvoljenim da sedam osoba učestvuje u klanju jedne krave ili deve. Na to nam ukazuje hadis kojeg je zabilježio imami Muslim od Džabira da je kazao: "Mi smo zaklali sa Poslanikom, godine u kojoj je bila Hudejbija, devu za sedam i kravu za sedam osoba."

PROPISI O KURBANU

Allah dž.š. u Suri Kevser kaže:

"Mi smo ti uistinu, mnogo dobra dali, zato namaz radi Allaha klanjaj i kurban kolji, onaj ko tebe mrzi sigurno će on bez pomena ostati!" (El-Kevser, 1-3)

Kurban je jedna u nizu vadžib dužnosti koja ima svoj veliki značaj.

Muhamed a.s. je rekao: "Onaj ko ima materijalne mogućnosti da zakolje kurban, a ne zakolje ga, nemoj da se približava mjestu na kojem mi obavljamo namaz."

U žrtvovanju kurbanda ogleda se velika solidarnost muslimana, jer kurbandsko meso se dijeli, siromasima, rodbini, komšijama i potrebnima. Allah dž.š. kaže: "Jedite od nje (žrtve) i nahranite bijednika i siromaha."

Kad se smatraš obaveznim zaklati kurban?

Žrtvovanje kurbanda za vrijeme kurban-bajrama je islamska dužnost svakog imućnog punoljetnog muslimana i lijepa islamska tradicija i dobro djelo za onoga ko nije obavezan.

KAKO UPLATITI KURBAN PREKO RIJASETA?

Familija ili pojedinac koji nisu u mogućnosti sami zaklati kurban mogu to učiniti uz pomoć Rijaseta tako što će svoj kurban uplatiti preko svoje lokalne Islamske zajednice. Rijaset Islamske zajednice u Bosni i Hercegovini svake godine, blagovremeno, informiše sve lokalne zajednice o cijeni kurbanda.

Cijena ovogodišnjeg kurbanda za Švedsku u akciji koju vodi Rijaset Islamske zajednice u BiH je **1650 SEK**.

Akcija traje do 04.10.2014.g.

Važno: Rijaset nema mogućnost da dostavlja trećinu kurbanda po cijeloj BiH.

Svi uplatioci kurbanda koji žele da neko od njihove rodbine preuzme trećinu kurbanda (može se preuzeti samo u Sarajevu), trebaju dostaviti telefonski broj rodbine kako bi predstavnik Rijasetu mogao stupiti u kontakt i dogovoriti detalje oko preuzimanja trećine kurbanda.

Zašto preko Rijasetu?


Iz prostog razloga što je jedini siguran način uplaćivanja, jer ispunjava sve uvjete fetve, koju je prije nekoliko godina izdalo Vijeće za fetve Rijasetu Islamske zajednice u BiH.

Značajno je, također, naglasiti da se svi kur-bani, koji se kolju u organizaciji Rijasetu, na-bavljaju u BiH. Velikim dijelom od povratnika. Dakle, na taj način se stimuliraju domaći poljoprivrednici, a posebno povratnici.



BAJRAMSKA MANIFESTACIJA

VJERSKI I KULTURNI PROGRAM
ILAHIJE - RECITACIJE - FOLKLORNE IGRE




BIZ Jönköping u saradnji sa BEMUF-om, Islamskom Zajednicom Bošnjaka u Švedskoj, Udruženjem NUR, Udruženjem Logoraša Jönköping, BKD-om Sarajevo I NBV-om. Besplatan ulaz!

4 . O K T O B A R u 19.00 h

Stadsgården (Linnésalen), Sparvhöksgatan 1, Jönköping





**BOŠNJAČKA ISLAMSKA
ZAJEDNICA MALMÖ**

20 GODINA DŽEMATA MALMÖ

17. oktobar 2014. - Književno večer
Gost: Akademik dr. Ferid Muhić
Mjesto: Prostorije Džemata, Ystadvägen 42
Vrijeme: 19.00 sati

18. oktobar 2014. - Centralna manifestacija
Gosti: Hafiz Aziz Alili
Dr. Ferid Muhić
Ahmed Alili
Mjesto: Islamski centar, Jägersrovägen 90
Vrijeme: 12.00 sati

19. oktobar 2014. - Turnir u malom nogometu
Mjesto: Heleneholm sporthall, Ystadvägen 13:
Vrijeme: 10:00h
Prijave: 0700 469042

DOBRODOŠLI DA UVELIČATE OVU NAŠU RADOST!



**ISLAMSKA ZAJEDNICA BOŠNJAKA U ŠVEDSKOJ
BOSANSKI KULTURNI CENTAR
ISLAMSKA ZAJEDNICA BOŠNJAKA BORÅS**

POZIVA VAS NA

JUBILEJ

**POVODOM 20 GODINA
POSTOJANJA BIZ BORÅS**

i susrete BKC-a

Naš dragi gost je

mr. hfz. Kenan Musić

**asistent na Fakultetu islamskih
nauka u Sarajevu**

25. oktobar 2014. godine

Folkan

Sa početkom u 13:30h

Allégatan 2

**Za sve prisutne obezbijeden je ručak u 11:30h
u Restaurang Balder na adresi Allégatan 1**

*Svi su
dobrodošli!*

U programu učestvuju: Hor „Sabur“ Värnamo

Dječiji hor džemata Borås

Folklor udruženja „Bosna“ Borås

ČLANARINA ISLAMSKOJ ZAJEDNICI PREKO POREZA

VAŠA INVESTICIJA U NAŠU ZAJEDNIČKU BUDUĆNOST

Za članstvo u 2015.god. potpisati
pristupnicu možete do
31.10.2014.god.

*Povodom nastupajućeg Kurban bajrama upućujemo iskrene čestitke,
uz želju da praznične dane dočekate u zdravlju, sreći i dobrom
raspoloženju!*

